



UNIVERSITÄTS-  
BIBLIOTHEK  
PADERBORN

**Praxis Beneficiorvm D. Petri Rebvffi Montispessvlani  
Ivrvim Doct. Ac Comitiss, Ivrisqve Pontificii Ordinarii  
Professoris Paris. & ibidem in supremo Senatu Causarum  
Patroni**

**Rebuffi, Pierre**

**Coloniae, 1610**

VIII. Quæst. An Pontifex veleat derogare Co[n]cordatis.

---

[urn:nbn:de:hbz:466:1-63686](https://nbn-resolving.org/urn:nbn:de:hbz:466:1-63686)

deuolutionem fieri de Supremo ad Inferiorem: ita videlicet, ut si intra tres menses non apparuerit de prouisione Apostolica, Ordinarius ad collationem procedere valeat, *per textum in §. Quotiens*: Quotiens verò aliquo vacante beneficio in Ianuarii, Martii, Maii, Iulii, Septemb. & Nouemb. &c. non apparuerit intra tres menses à die notæ vacationis in loco beneficii, quo alicui de illo Apostolica autoritate prouisum fuerit, ex tunc, & non antea, Ordinarius, vel alius, ad quem illius dispositio pertinebit, de illo liberè disponere poterit. Sed, & hic notabiliter obseruandum erit, per hoc concurrentiam non excludi. Unde si casus eueniret, quod Pontifex, siue post tres menses in iam dictis mensibus, Ordinariis conferret beneficium, & collationis dies esset prior collatione Ordinarii, non est dubium, quin à Pontifice prouisus, prouisum ab ordinario rectè excludat. Papa enim cum omnibus Ordinariis concurrat, *ut patet ex Responso Mando- su infra notab. 1.*

### QVAESTIO VII.

*An in mensibus reseruatis, Decanatus & similia beneficia alijs electiua vacantia extra Curiam, sint affecta & de Pontificis collatione?*

**H**AEC quæstio quoniam satis fuit ventilata per decisionem in Rota, proponente R. P. D. Bubalo, in casu preposituræ Paderbornen. & conclusum pro affirmatiua, quod videlicet Pontifex talia, etiam Electiua inferiora beneficia conferre habeat, ideo eidem insistentes, hoc solum addimus cum Illustrissimo Cardinale Simonetta *in tract. de Reser. qu. 39.* quod qui procedunt ad electiones non obstantibus reseruationibus sunt in latissima culpa, & non sine dolo, dum rei ad alium pertinentem se immiscerent. *l. querebatur C. Vnde* *vi. Quod est notandum contra Capitula,*

quæ eligunt Decanum in Episcopum, & ab eo post electionem recipiunt renunciationem Decanatus, & eligunt alium Decanum. Nam reuera electio talis Decani est nulla, & Decanatus manet Pontifici reseruatus, & possessio talis Decani dicitur vitiosa, *Egid. decis. 498.* cum infra tempus electionis, & confirmationis, confirmandus resignare minimè possit, tum per claram Reg. Cancell. *infra not. quarto postquam*, tum ex verbis constitutionis ad Regimen, Concordatis incorporate, *ut supra in text. ibi. R. vsus Monasteria. & c. Decanatus. & c.* etiam si ad illa personæ consueverint per electionem assumi, quæ promoti per nos, seu autoritate nostra &c. obtinebant tempore promotionum. Sed de hoc puncto latius *infra q. 9.*

### QVAESTIO VIII.

*An Pontifex valeat derogare Concordatis.*

**I**N hac quæstione non est multum laborandum, qui enim agnoscit Pontificem esse Summum Christi Vicarium, & iure diuino habere dispensationem, & plenissimam administrationem omnium bonorum, ad quascunque Ecclesias pertinentium, *c. proponit. de con. preb. Clem. 1. vt lit. pend. Bald. in l. Rescripta. C. de pre. Imp. offer. is* non dubitabit Sanctitatem suam, ex plenitudine potestatis, posse in totum, vel pro parte, tollere Concordata. Nam dum Concordata dicuntur habere vim contractus, *ex Puteo, decis. 47.* intelligendum est ex parte Germanorum, quod videlicet illi non solum ex iure diuino uti Christiani sint obligati ad parendum Romano Pontifici circa reseruaciones, sed etiam ex speciali Concordia, quasi in vim contractæ pacificationis inita, ut in omni iudicio Germani Sedi Apostolicæ rebelles minus forent excusabiles, si obedientiæ suauis iugo excusso etiam pacta firmata violare præsumerent: Ex parte autem Pontificis, Concordata in fauorem Germanorum ad-

V V u u u 2

missa, continent meram gratiam, quæ in  
libera Pontificis remanet facultas, iuxta il-  
lud: quicquid ligaueris super terram, &c.  
4 *Math. c. 16.* Et facultatem iure diuino Pon-  
tifici competentem Papa à se abdicare  
5 non potest: quanquam Papatui renuncia-  
re valeat.

QVÆSTIO IX.

*An Concordatis derogetur per Re-  
gulam de beneficiis pro-  
mouendorum.*

Tenorem huius Regulæ ponimus in-  
fra *Notab. quarto.* & vt loquamur cum  
Rebuffo, hæc Regula vult, quod  
non valeat collatio beneficii illius, qui ad  
1 Episcopatum, vel Abbatiam, vel ad regi-  
men alicuius Ecclesiæ promoueri deside-  
rat hoc est, quod si, exempli gratia, P. De-  
canus in A. post mortem B. eligatur in E-  
piscopum, & P. post mortem dicti B. resi-  
gnet Decanatum in manus Capituli, &  
postea confirmetur in Episcopum, ele-  
ctio, seu prouisio super Decanatu facta  
per Capitulum erit nulla, & Decanatus  
censetur Pontifici reseruatus. Nunc quæ-  
ritur, an huic reseruatiõni Pontificiæ ob-  
stent Concordata? Flam. *Parif. de Resig-  
lib. 3. qu. 6. num. 92.* paucis verbis sic resol-  
uit: dubitatur an Regula deroget Con-  
cordatis. Rebuffus tenet quod non; &  
2 ita fuit resolutum in Rota, in vna Pader-  
bornen. Præposituræ, die Lunæ 29. (error  
est hic vel typographi, vel scriptoris, quia  
29. Maii dies anno 88. non incidit in diem  
Lunæ, nec in diem rotalem. Ex decis. patet  
primò 9. Martii, & secundò 30. Maii  
dictam causam fuisse in Rota propositam.)  
3 Maii 1588. coram R. P. D. Bubalo. Rebuf-  
fus autem *super Reg. XXVI.* ita scribit:  
Vnde putarem in Francia, quod si iste pro-  
mouendus coram Ordinario resignaret  
beneficia ante promotionem, quod illa  
collatio valeret, cum omnes Regulæ sa-  
pientes reseruatiõnem sint in Regno

Franciæ sublata per *Rubr. de Reser. in Concor-  
datis.*

His tamen non obstantibus veritas est, 4  
quod dicta Regula afficiat etiam in Ger-  
mania. Et huius conclusionis funda-  
mentum est euidentissimum, quod com-  
muni Doctorum opinione hæc Regula est  
fauorabilis, & declaratiua Constitutionis  
ad Regimen; quæ constitutio intrat in  
Concordata, & præseruatur in Concor-  
datis, *Rota d. decij. coram R. P. D. Bubalo. vers.  
Quod eo magis.* Et cum hoc fundamen- 5  
tum induxerit Flam. *d. qu. nu. 88.* ad proban-  
dum dictam Regulam comprehendere e-  
lectiua beneficia, mirum sanè quod non i-  
dem considerauerit in sub sequenti pun-  
cto circa Concordata: sed dici potest eum  
tam infinitis questionibus evoluerendis oc-  
cupatum circa Vltimontanorum specia-  
lia Concordatorum iura obiter ibi retu-  
lisse Rebuffi opinionem.

Ad eius binas allegationes clara est re- 6  
sponso. Nam etsi Rota in prima propo-  
sitione cause Paderbornen. id asseruerit in  
secunda tamen propositione ex præmisso  
fundamento priorem decisionem rectè  
correxerit. Rebuffus verò loco allegato in-  
cautè loquitur per verbum omnes; & re-  
ctius dixit *in add. ad Reg. 1.* In Francia non 7  
seruari Regulas, si sint contrariæ Concor-  
datis. Ex quo sequitur cum Regula de  
promouendis non sit contraria Concor-  
datis Germaniæ, sed sub constitutione Ad  
Regimen, quæ est pars Concordatorum,  
intret Concordata, vt ius declaratiuum,  
dictam Regulam etiam in Germania om-  
ninò attendendam esse. Et nemo dicere 8  
poterit per Concordata sublatas, & irritas  
censeri omnes Regulas Cancellariæ. Nam  
Reg. de infirmis resignan. *de publican. resig-  
gnat.* (in cuius locum hodie successit Con-  
stitutio Gregoriana) de verisimili notitia  
de valore exprimendo, de Annali, Trien-  
nali &c. etiam circa beneficia Germa-  
niæ locum sibi vindicare ma-  
nifesti Iuris  
est.